

Zum Danke.

Mir danka halt so guat wies geaht  
Aol dara mitananar  
As woar wahrhafti niet verkehrt,  
Daß mir heut doa beinaner.  
Wenn mer o die Fräli denkt  
Hoat a die Herrli niet vergassa  
Dara mol a Stünla schenkt  
Bei dara künsts von Haza.  
Wos die Herrli un die Fräli sonst macha  
As Herrla geaht halt sonst spazier  
Min Nachbar vo doadüwa  
As Fräla sucht sie sei Pläsier  
Dahöm im warma Stübla  
Doa sitzt bein Ofa un strickt immer  
Strümf für jedes Moaß  
Dia sen halt für die Enkelkinner  
A täl dia sen schoa groaß  
As denkt zurück an dara Zeit  
Wo ihr Kinner al no klee  
Dos liegt zurück gor wätli weit  
Un jetzt is halt alle  
As klingt ihm heut no in sein Ohr  
Wie die Kinn im Haus als rümgapoltert  
Bei jeden Schritt hoat mer müß lur  
Daß mer niet über en stolpert  
Dos hoat sie freili viel gaänert  
Seits Fräla is allee  
Un wenss heut wirkli nomal stolpert  
Fällts über die ägna Bee.

